

Cyngor Sir Penfro



Canllaw i bersonau (heblaw am Awdurdodau Cyfrifol) sy'n mynychu gwrandawriad Is-Bwyllgor Trwyddedu yn ymwneud â materion Deddf Trwyddedu 2003

Diweddarwyd: Tachwedd 2015

Gan eich bod wedi cyflwyno achos ysgrifenedig mewn perthynas â mater Deddf Trwyddedu 2003 fel cais neu amrywiad am Drwydded Safle, rydych wedi ymgymryd â rôl bwysig wrth helpu'r Is-Bwyllgor Trwyddedu i ddeall eich pryder yn ymwneud â'r mater hwnnw.

Cyn gall yr Is-Bwyllgor Trwyddedu wneud ei benderfyniad, mae angen clywed ac ystyried y dystiolaeth gan yr holl bartïon – a gallwch helpu wrth ddarparu'r dystiolaeth hon.

Efallai na fyddwch yn gwybod beth i'w ddisgwyl nesaf – neu efallai y bydd yn wahanol iawn i'r hyn yr oeddech yn ei ddisgwyl.

Bydd y daflen hon yn helpu i'ch paratoi am yr hyn fydd yn digwydd nesaf. Mae'n egluro'r canlynol:

- pam y gallai fod yn ddefnyddiol i chi fynychu gwrandawriad yr Is-Bwyllgor Trwyddedu
- lle mae'r gwrandawriad yn cael ei gynnal
- beth sydd yn digwydd cyn y gwrandawriad
- beth ddylech ei wneud cyn mynychu'r gwrandawriad
- pwy all fynychu'r gwrandawriad
- mynychu'r gwrandawriad
- beth fydd yn digwydd yn y gwrandawriad
- beth sydd yn digwydd ar ôl y gwrandawriad.

Pam mynychu gwrandawriad yr Is-Bwyllgor Trwyddedu?

Er eich bod wedi cyflwyno achos ysgrifenedig yn ymwneud â mater Deddf Trwyddedu 2003 a fydd yn cael ei ystyried gan yr Is-Bwyllgor Trwyddedu mewn unrhyw achos, gallai fod yn ddefnyddiol i aelodau'r Is-Bwyllgor Trwyddedu glywed eich achos yn uniongyrchol a chael y cyfle i ofyn unrhyw gwestiynau yn ymwneud â'ch achos.

Lle fydd y gwrandawriad yn cael ei gynnal?

Bydd yr Hysbysiad Gwrandawriad yn nodi'r ystafell lle bydd y gwrandawriad yn cael ei gynnal.

Fel arfer, mae gwrandawriadau'r Is-Bwyllgor Trwyddedu yn cael eu cynnal yn Ystafell Bwyllgor 1 neu 2 yn Neuad y Sir, Hwlfordd.

Er fod teimlad ffurfiol i'r lleoliad hwn, math o drafodaeth fydd y gwrandawriad ei hun dan arweiniad Cadeirydd yr Is-Bwyllgor Trwyddedu.

Beth sy'n digwydd cyn y gwrandawriad?

Mae'n rhaid trefnu gwrandawriadau o fewn amserlenni eithaf tynn a nodwyd mewn deddfwriaeth. Bydd yr Awdurdod Trwyddedu yn rhoi Hysbysiad Gwrandawriad i chi o fewn yr amserlenni deddfwriaethol perthnasol, ynghyd â gwybodaeth gysylltiedig fel sy'n ofynnol gan y ddeddfwriaeth. Bydd yr Hysbysiad Gwrandawriad yn nodi'r dyddiad, y lle a'r amser fydd y gwrandawriad yn dechrau.

Gall mwy nag un mater gael ei restru ar yr un diwrnod felly gall gwrandawriadau bara rhwng 3-4 awr neu weithiau'n hirach. Os oes materion eraill wedi'u rhestru, efallai bydd cyfnod aros cyn bydd y mater o bwys i chi yn cael ei glywed gan yr Is-Bwyllgor Trwyddedu.

Bydd y papurau ar gyfer pob gwrandawriad Pwyllgor ar gael ar wefan y Cyngor tua 5 niwrnod cyn dyddiad y Pwyllgor.

Beth ddylech ei wneud cyn mynychu'r gwrandawriad?

- Dylech hysbysu'r Awdurdod Trwyddedu o fewn yr amserlenni a nodwyd yn yr Hysbysiad Gwrandawriad p'un ai a ydych yn bwriadu mynychu'r gwrandawriad ai peidio, p'un a ydych yn bwriadu cael cymorth neu gynrychiolaeth gan berson arall yn y gwrandawriad a ph'un a ydych yn ystyried bod gwrandawriad yn angenrheidiol. Bydd manylion cyswllt yr Awdurdod Trwyddedu yn cael eu darparu ar yr Hysbysiad Gwrandawriad.

- Os byddwch yn penderfynu mynychu'r gwrandawriad, nodwch y byddwch dim ond yn cael siarad ar achosion perthnasol yr ydych wedi'u codi o'r blaen yn eich sylwadau ysgrifenedig. Gyda chaniatâd yr Is-Bwyllgor Trwyddedu gallwch gwestiynu unrhyw barti arall a gallwch annerch yr Is-Bwyllgor Trwyddedu mewn perthynas â'ch achosion ysgrifenedig perthnasol.

Fodd bynnag, er y gallwch ehangu ar yr hyn yr ydych wedi'i ddweud yn eich achosion ysgrifenedig perthnasol, ni allwch ychwanegu achosion at y rheiny cyn y gwrandawriad.

- Os ydych yn dymuno galw unrhyw berson arall (e.e. tyst) i ymddangos yn y gwrandawriad ar eich rhan eich hun, mae'n rhaid i chi wneud cais ysgrifenedig i'r Awdurdod Trwyddedu am ganiatâd ar gyfer hyn cyn y gwrandawriad. Dylai cais o'r fath gynnwys manylion enw'r person hwnnw a disgrifiad cryno o'r pwynt/pwyntiau y gallai'r person hwnnw eu cefnogi mewn perthynas â'ch achosion ysgrifenedig perthnasol. Yna, byddai'r cais hwn yn cael ei ystyried gan yr Is-Bwyllgor ar ddechrau'r gwrandawriad.

- Noder wrth ystyried eich achosion, efallai y bydd yr Is-Bwyllgor Trwyddedu yn ystyried dogfennaeth neu wybodaeth arall a gynhyrchwyd gennych chi i gefnogi eich achosion naill ai cyn y gwrandawriad, neu gyda chaniatâd yr holl bartïon eraill, yn y gwrandawriad.
- Os byddwch yn rhoi gwybod i'r Awdurdod Trwyddedu nad ydych yn bwriadu mynychu'r gwrandawriad na chael eich cynrychioli yn y gwrandawriad, neu os nad ydych wedi rhoi gwybod a'ch bod yn methu mynychu'r gwrandawriad neu gael eich cynrychioli yn y gwrandawriad; gallai'r gwrandawriad fynd ymlaen heb eich presenoldeb.
- Os ydych yn dymuno siarad yn Gymraeg yn y gwrandawriad dylech roi gwybod i'r Tîm Trwyddedu cyn dyddiad y gwrandawriad.

Pwy all fynychu'r gwrandawriad?



Mae'r llun yn dangos y gosodiad mewn gwrandawriad Is-Bwyllgor Trwyddedu nodweddiadol yn yr Ystafell Bwyllgor.

Yr Is-Bwyllgor Trwyddedu (A, B, C) Aelod wrth Gefn (D)

Bydd tri aelod presennol (A,B,C) o Bwyllgor Trwyddedu'r Cyngor yn ffurfio'r Is-Bwyllgor Trwyddedu a byddant yn clywed y mater, ac yn gwneud penderfyniad arno. Bydd un o'r aelodau hynny'n gweithredu fel Cadeirydd ac yn rhedeg y gwrandawriad. Bydd aelod arall o Bwyllgor Trwyddedu'r Cyngor yn bresennol yn ystod y gwrandawriad fel Aelod wrth Gefn. Y

rheswm dros hyn yw, pe byddai un aelod presennol yn datgan diddordeb, gallai'r Aelod wrth Gefn yna gamu i eistedd ar yr Is-Bwyllgor Trwyddedu yn lle'r aelod hwnnw.

Yr Ymgynghorydd Cyfreithiol (E)

Mae ymgynghorydd cyfreithiol o Adran Gwasanaethau Cyfreithiol y Cyngor yn mynychu i ddarparu cyngor cyfreithiol i Aelodau'r Is-Bwyllgor. Gallai hyn gynnwys cynghori'r Aelodau ar yr hyn y gallant roi sylw iddo wrth wneud eu penderfyniad, y mathau o benderfyniad y gallai Aelodau eu gwneud; ac unrhyw faterion cyfreithiol/trefniadol eraill sy'n codi yn ystod y gwrandawriad.

Clerc y Pwyllgor (F)

Mae Clerc y Pwyllgor yn mynychu i gymryd cofnodion o'r cyfarfod ac yn cofnodi penderfyniad yr Is-Bwyllgor Trwyddedu wedi iddo gael ei wneud.

Cynrychiolydd yr Awdurdod Trwyddedu (G)

Bydd swyddog o Awdurdod Trwyddedu'r Cyngor yn bresennol i helpu gydag unrhyw faterion/ymholiadau am y broses weinyddol yn ymwneud â'r mater cyn gwrandawriad yr Is-Bwyllgor Trwyddedu.

Pennaeth y Gwasanaeth (H)

Bydd Pennaeth Gwarchod y Cyhoedd (sy'n gyfrifol am swyddogaeth trwyddedu'r Awdurdod) fel arfer yn cyflwyno'r adroddiad ar y mater.

Y Sawl sydd wedi gwneud cais/Person sydd wedi rhoi hysbysiad/Daliwr Tystysgrif Safle/Daliwr Trwydded Safleoedd Clwb (I)

Gall y sawl sydd wedi gwneud cais/person sydd wedi rhoi hysbysiad/Daliwr Trwydded Safle/Daliwr Tystysgrif Safle ac, os oes un, eu cynrychiolwr/person sy'n eu helpu, fod yn bresennol yn y gwrandawriad, er y bydd hyn yn dibynnu ar y math o fater sy'n cael ei glywed.

Awdurdodau Cyfrifol (J)

Gall unrhyw awdurdodau cyfrifol, fel yr Heddlu neu Rheoli Llygredd, sydd wedi cyflwyno achosion ysgrifenedig perthnasol fynychu a siarad yn y gwrandawriad.

Personau eraill (K)

Gall yr holl bersonau eraill sydd wedi cyflwyno achosion ysgrifenedig perthnasol (gan eich cynnwys chi) fynychu a siarad yn y gwrandawriad.

Y Cyhoedd/Y Wasg

Gall unrhyw aelod o'r cyhoedd sydd â diddordeb mewn gwyllo'r hyn sy'n digwydd yn y gwrandawriad eistedd yn y galeri i'r cyhoedd.

Gall y Wasg hefyd fod yn bresennol yn adrodd am y gwrandawriad.

Mynychu'r Gwrandawriad

- Ceisiwch gyrraedd Neuadd y Sir tua 15 munud cyn dechrau'r gwrandawriad.
- Pan fyddwch yn cyrraedd, rhowch wybod i'r derbynnydd eich bod wedi dod i fynychu gwrandawriad Is-Bwyllgor Trwyddedu. Bydd y derbynnydd yn dweud wrthy'ch ymhle i aros.
- Yn yr Ystafelloedd Pwyllgor, mae microffonau o flaen y seddau a bydd gofyn i chi droi'r rhain ymlaen ac i ffwrdd gyda botwm o flaen y microffon, pryd bynnag fyddwch yn dymuno siarad.
- Nid yw'n angenrheidiol i sefyll pan mae Aelodau'r Is-Bwyllgor yn dod mewn neu'n gadael yr ystafell neu pan fyddwch yn siarad yn y cyfarfod.
- Noder efallai y bydd trafodion y Cyngor Sir yn cael eu ffilmio neu efallai y bydd y sain yn cael ei recordio yn unol â Phrotocol y Cyngor ar gyfer Ffilmio a Recordio Sain mewn Cyfarfodydd cyhoeddus y Cyngor. Bydd copiâu o'r Protocol yn cael eu harddangos yn yr ystafell gyfarfod. Yn gyffredinol, nid yw ardal eistedd y cyhoedd yn cael ei ffilmio. Fodd bynnag, drwy fynd mewn i ardal y galeri cyhoeddus, rydych yn cytuno i gael eich ffilmio ac i'r lluniau a'r recordiadau sain hynny o bosibl gael eu defnyddio ar gyfer gwe ddarllediadau a/neu at ddibenion hyfforddi.

Beth fydd yn digwydd yn y gwrandawriad?

Mae'r wybodaeth sydd wedi'i hamgáu gyda'r Hysbysiad Gwrandawriad yn amlinellu trefn y gwrandawriad; fodd bynnag gall hyn amrywio gan ddibynnu ar y math o fater sy'n cael ei glywed.

Enghraifft generig o amlinelliad o wrandawriad cais o dan y Ddeddf Trwyddedu fyddai y byddai'r sawl sy'n gwneud cais yn cyflwyno eu hymngais, yr awdurdodau cyfrifol a phersonau eraill sydd yn gwneud achosion perthnasol yn cyflwyno eu hachosion; gallai Aelodau'r Is-Bwyllgor ofyn cwestiynau i unrhyw barti neu bersonau eraill sy'n ymddangos yn y gwrandawriad; gall parti ofyn cwestiynau i barti arall gyda chaniatâd yr Is-Bwyllgor Trwyddedu; a chaiff y sawl sy'n gwneud cais gyfle i grynhoi.

Bydd tystiolaeth yn cael ei roi yn gyhoeddus oni bai yr ystyrir tystiolaeth/dogfennaeth yn ymwneud â mater yn gyfrinachol ac yn cynnwys gwybodaeth wedi'i hesgusodi o dan ddeddfwriaeth a bod yr Is-Bwyllgor yn penderfynu clywed y wybodaeth honno mewn sesiwn breifat. Os hynny, bydd y wasg a'r cyhoedd yn cael eu gwahardd o'r gwrandawriad yn ystod yr amser hwnnw. Gall tystiolaeth ffotograffig, wedi'i dapio neu wedi'i recordio sydd wedi'i gynnwys gydag achosion ysgrifenedig parti ac a gyflwynwyd yn unol â'r ddeddfwriaeth, gael ei chyflwyno yn y gwrandawriad; fodd bynnag dylai'r parti'on hynny sy'n dymuno chwarae'r un peth yn y gwrandawriad roi hysbysiad ymlaen llaw ynglŷn â hyn i Awdurdod Trwyddedu'r Cyngor er mwyn sicrhau bod y cyfleusterau priodol ar waith i hwyluso hyn yn y gwrandawriad.

Mae'r Is-Bwyllgor yn penderfynu ar y mater a thrwy wneud hynny yn ystyried y ddogfennaeth a gyflwynwyd yn unol â deddfwriaeth a'r achosion llafar a wnaed yn y cyswllt hwnnw. Gall yr Is-Bwyllgor adael yr ystafell i fynd i sesiwn breifat i wneud ei benderfyniad. Bydd ymgynghorydd cyfreithiol gyda'r Is-Bwyllgor drwy'r amser. Pan fydd yn dychwelyd i'r Ystafell Bwyllgor, gallai'r Is-Bwyllgor roi ei benderfyniad gyda rhesymau llawn; neu lle mae'n cael ei ganiatáu gan deddfwriaeth gall gyhoeddi y bydd ei benderfyniad gyda rhesymau'n cael eu darparu mewn cyfnod o bum diwrnod gwaith.

Beth sy'n digwydd ar ôl y gwrandawriad?

Bydd yr Awdurdod Trwyddedu yn anfon hysbysiad ysgrifenedig o benderfyniad yr Is-Bwyllgor Trwyddedu a'i resymau i'r holl bartïon, a fydd yn cynnwys gwybodaeth yn ymwneud ag unrhyw hawliau i apelio.

Gwybodaeth bellach:

Deddf Trwyddedu 2003 o ran safleoedd:

http://www.pembrokeshire.gov.uk/content.asp?nav=1626,2380,178,187&parent_directory_id=646

Agendâu a Dogfennau'r Pwyllgor Trwyddedu a'r Is-Bwyllgor:

<http://mgenglish.pembrokeshire.gov.uk/ieDocHome.aspx?bcr=1&LLL=0>

Gellir cysylltu drwy'r manylion hyn:

Y Tîm Trwyddedu

Adran Gwarchod y Cyhoedd

Neuadd y Sir

Hwlfordd

Sir Benfro

SA61 1TP

Ffôn: 01437 764551

E-bost: licensing@pembrokeshire.gov.uk

Gwefan: www.pembrokeshire.gov.uk

Gall y ddogfen hon fod ar gael yn Gymraeg neu mewn print bras ar gais i'r Tîm Trwyddedu.